

中國地方志集成

河北府縣志輯 ⑤⑩

民
國
景
縣
志

上海書店 ● 巴蜀書社 ● 江蘇古籍出版社

重修景縣志序

上海中華書局
影印

國志必取材於各省省志必取材於各縣縣志之體雖微而所關甚鉅故考義例嚴筆削必使一縣之事實燦然昭著然後上可備省府之採擇下可垂奕世之儀型以成一代信史而不同杞宋之無徵也余居距景縣四百里嘗閱通志覽輿圖知景爲古之修縣漢周亞夫所封侯國漢魏以還人才輩出董江都之正誼明道高咸陽之亮節直聲勳業謨猷昭然在人耳目厥後高封世族代有封爵至近代或以行誼著或以甲第顯地靈人傑與古人後先輝映竊不禁心嚮往之民國辛未奉省檄來權斯邑下車伊始清釐庶務越數日索舊志觀之知景志爲明隆

景縣志卷一序

慶間州牧何君所創始至清乾隆十年州牧屈君復取而釐訂之然綱目尙未詳備迄今垂二百年簡斷編殘竟使文物典章隨露草荒燿以漸滅長斯邑者竊爲怒焉憂之因思疆域無志何以知輿圖之廣狹風土無志何以知民俗之淳漓政治無志何以知戶口之增減與賦稅之重輕人物無志何以知忠孝之真純與事功之堅卓而且不志教育無以培人材不志物產無以興工業凡此一邑掌故倘不及時修明將湮沒弗彰何能昭往古而示來茲又况世局隨潮流而變易治體因人事而遷移近數十年變法革命百務維新於斯時欲纂修縣志必須厲進化更新之意有不得僅以拘守成規爲藏事者余也簿書鞅掌

案牘紛羅原不敢以載筆爲己任適張君汝漪自津旋景因延與商訂知民國十六年曾經前縣長王君功鎮開局採訪事未半而中止爰取閱舊稿尙存數册是卽編訂之權輿也正思繼續進行適省府令行到縣奉中央採取志料則斯舉更無容緩爰招集紳耆並各機關開會議決成立重修縣志委員會縣長爲當然主席兼監修聘張君汝漪爲總纂卽藉張宅客廳爲會址更延諸文士共襄其事於去年五月開始編纂余亦時相過從商去取決可否參互考訂凡舊志之缺者補之誤者正之綱舉目張燎如指掌標其綱曰疆域產業政治教育風土人物藝文故實共八門十四卷閱年餘而告成此後徵文考義歷歷如繪庶可上備省府之採擇下昭奕世之儀型以成一邑之信史焉卽後之長斯邑者亦一披覽而知全縣之規模未始非爲治之一助也時爲序

景縣志卷一序

民國二十一年歲次壬申秋七月署理景縣縣長唐縣耿兆棟撰

重修景縣志序

郡邑之有志其古史之遺乎非僅鋪張事蹟修談聞見而已也固將覘天時以興地利開民智以育人材證往古以昭法戒義例惟嚴筆削惟謹誠近乎史而非謬也前代以志學稱者如康對山之志武功陳士業之志南昌夏彝仲之志長樂當時艷慕之而後之作者猶或非之況不及康陳輩者非之更將何如耶吾景之志遠不可考舊志防自明隆慶壬申及清康熙間重脩兩次至乾隆十年邑侯屈公成霖暨鄉前輩趙進士移孝孝廉基塲劉鴻博鵬振又重修一次迄今閱一百八十餘年其間之文德武功忠孝節廉以及風土之變遷政俗之改革胥待考詳

景縣志 卷一 序

而記載際此守缺抱殘欲一一臚列而無遺焉誠憂憂乎難之然苟不及時編續恐代遠年湮更將查不可考而且近三十年來清季之變法民國之革命凡百制度棄舊更新此時重脩縣志須存古而不泥於古更宜有啓發智識革新庶政之意以庶乎其中是則編續之更難也民國十六年王縣長功鎮蒞景見縣志年久失脩因商及紳耆備函至津邀汝瀋回景編纂並函聘史君祥甫暨族姪蔭萱設局採訪各區來稿甚夥然汝瀋為津事羈絆未能回景至十七年以軍事紛繁事竟中止今者天假之緣唐縣耿公來長斯邑公車甫至問俗採風卽慨然以重脩縣志為急務值汝瀋由津旋景感縣長提倡盛意極為贊同

正在商訂之際適省府令行到縣採取志料爰由縣長召集各

機關首領暨各紳耆定期開會詢謀僉同遂成立重脩縣志委

員會共推汝瀋為總纂路君鳴珂曹君福慶陳君錫孝張君堃

閣君慶棠劉君聖平劉君興漢王君郁文為編訂自去年五月

開始編纂考建置之興廢察人事之遷移類別門分列為大綱

者八並皆附以節目凡舊志所載者依然編入其新採訪者則

繼續而臚列焉同力合作三易稿而始告成特是幽光潛德已

往者恐遺於表彰進化更新未來者恐無能啓迪而且宜因者

何事宜革者何事宜提倡者又何事凡覘天時以興地利開智

識以育人材證往古以昭法戒者尤不知能有合斯意焉否耶

景縣志 卷一 序

又豈得僅以鋪張事蹟修談聞見為盡職哉至若比優劣於古史較得失於前賢則更未之敢望

民國二十一年歲在壬申十一月上澣邑人張汝瀋謹序

重脩景縣志後序

粵自司馬氏承春秋而作史記繼之以班范兩漢書降而至於陳壽三國志之稱名於斯乎定矣夫志之爲言識也卽識大識小之義也厥後國家有一統志畿輔有通志郡縣有志大而輿地河渠官職侯封小而農工商務里巷歌謠無不遠紹旁搜不厭求詳編次成書可略言焉夫煌煌鉅典存之史館而風土人情必取資於一縣則泰山不讓土壤故能成其大河海不擇細流故能就其深審是縣志之修不綦重哉我景縣志自清乾隆十年縣令屈公成霖建議重脩一時碩儒宿學刪定纂修卓然可觀於茲越六世矣君子之澤五世而斬至此更有難爲續

景縣志

卷一

序

五

述者撫今追昔瀏覽舊志未嘗不歎文獻之不足故也然幽光潛德不能終闕抱殘守缺亟待修補若是則縣志之重脩可緩乎哉凡事不有創始難與圖成不有啓發無從著手此鄉邦人士所爲汲汲焉遑遑焉有志而未逮也於民國十六年幸有縣長王公功鎮蒞景見縣志之失修有年慨然有志進行遂邀集諸紳耆開會議決聘請總纂主任採訪分任其事彼時張君湘泉寄住津門備函請爲總纂遂卽設局採訪有史君張君分任其事一時之採訪員及四區之投稿者累牘連篇日不暇給延至六七月之久大體雖未就而所得之稿本亦多多易辦矣而王公極力提倡再接再厲亦正如史游急就篇亟付鉛槧爲滿

意未幾時局變遷王公去職矣事遂中止至二十一年春間縣長

狄公兆棟公餘之暇翻閱舊帙每以事廢於半途爲可惜適值省府令催縣志料遂招集各機關各紳耆開會設局重修成立重修縣志委員會仍聘請張君湘泉爲總纂有諸同人分任編輯錫孝亦忝側其列竊以衰朽殘軀不能勝任恐有曠職之嫌逾四五月卽行告退是或藏拙之一道也今已至二十一年十二月志告成矣招集全體開會定期散會回思閱二十月之風光諸同人辛苦耐勞兩歷寒暑洵非易事而總纂竭慮殫精綱舉目張固已燦然大備矣然總纂久住津門因家事之羈絆不能時常任會分門別類列爲大綱者均預定計劃分析詳明至

景縣志

卷一

序

六

於編次節目斟酌損益繁者簡之散者約之錯譌荒謬者更正而考據之裝訂成書堆案盈尺其貴高足閭君召禮之力居多焉涑水司馬溫公作資治通鑑而劉范相與有成其殆如斯歟錫孝以前列採訪後入編輯兩次重修均濫芋充選於其中雖未能補助於萬一亦欣欣然樂觀厥成焉是爲序

中華民國二十一年歲次壬申嘉平月日長至後邑人陳錫孝謹識

原修叙

圖畫景之形跡者點綴宛然可觀歌咏景之風物者興趣悠然
堪聽苟圖畫而入諸志則其點綴之委曲將益備也并歌咏而
入諸志則其興趣之暢達將具悉也胡圖畫歌咏之垂固家傳
而可遍傳記表志之缺乃自昔而迄今何哉嘗思之逞辭者才
或畏蒙好醜紀事者籍或畏議簡繁州值征冲則歲月易移政
馳急務則文墨竟廢然景地非小也雖小何可亡志也彼一念
之光明觀心者尙冀其久畜一人之善行取法者尙爲之默識
則宦跡所及可無以志其跡哉故吾嘗登董子書臺適觸夫正
誼明道之心望亞夫荒塚聿勳夫陳詞薦酒之享巡三夏之任

景縣志 卷一

序

七

而農家胼胝力穡聽兩造之訟而民多渝變安貞車挽肩負者
顧孰與不足以有易無者皆莫之或欺因訝俗何其樸厚也似
遊于懷葛之民物中也時何其太和也似在于虞周之宇宙間
也烏得莫之志以貽後人仰思哉適越徐君大佑司訓州庠素
富于蘊籍猶有奇思能勤于綴文猶有高識遂專意以志屬之
復冀其往不必追也議不必計也稽之鑑首于威烈無始也禮
缺于冬官罔終也古事然也何惑于今是故文獻之不足者曰
無徵不知爲不知者曰闕文能附會而不敢附會者曰傳疑古
之略者若是也載詳于甲第而人譏之曰是何進士錄也載詳
於賦役而人譏之曰是何黃白冊也今之詳者若是也茲惟盡

已事焉耳獨志有訓誠焉禱机春秋均一史也春秋以褒貶嚴
而著爲經長編綱目亦均一史也綱目以是非當而守爲式徐
君其急訓誠哉兩月而編集告成果可驗其所養矣凡六綱十
二目篇有佳妙字皆精確搜覽悉而選擇純彙集當而發明麗
許因備閱而謂此之觀聽者遠也圖畫云乎哉歌咏云乎哉于
是憶自昔志之缺者其亦有待矣乎
隆慶壬申重陽日景州知州羅許撰

景縣志 卷一

原修叙

八

次修叙

國家聲教覃敷幅員萬里重熙累洽號稱至治歲壬子輔臣請修大清一統志以記厥盛部覆奉有俞旨通行直省所屬州縣衛所各編通志上佐昭代文獻煌煌巨典洵曠世而一見也魁備員景牧欣逢盛事敢不恪奉恐後哉念魁廣寧下土叨父廕筮任淳令歷陞州府都運謫補今職習吏廿載中多茅塞著述之任豈謏劣所可克勝爰進廣文王君時雍而諮之擇諸生中博學者六人曰呂克諧吳長策馬萬里申鍾崧宋錦李國祐工書者二人曰張世則聶經開局於名宦祠中給以筆札飲膳俾纂輯之搜勝國之殘編續近代之軼事幸非無徵因附以臆見

景縣志

卷一

次修叙

九

定厥體裁分爲四卷列爲二十四目書成恭進列得拜稽颡者以弁簡端夫州之有志州之實錄也豈徒爲聞見考稽之資抑將以補偏救弊起衰維風而貽生民樂利於無窮也景爲州屬瀛海魁曩刺府事景之俗尙民情固嘗悉其大概及辛亥秋之親牧茲土也目擊城垣頽敝官舍平蕪學校圯壞怛怛心動甫受事卽有編審之役逐戶詳核殘疲子黎鶉衣鵠面不忍見聞未幾復奉憲檄督壕墻單騎減從周行阡陌地多鹵薄卑下旬日不雨田禾盡焦一遇秋潦衛河決溢則悉爲魚鼈豈非以界於德吳而難於防乎又當南北孔道水陸交衝公私驛騷亦云僮已比年來蚤作夜思不遑寧處城舍雖議修矣而屹然金湯

有基勿壞未可以旦夕而責效也澤宮雖捐葺矣然所貴乎學

者當非僅取墻壁具而已敲扑不事國賦縱云全完而糧從地起地去糧存者未盡之也萑苻無警百姓幸爾粗安而思患預防保無有意外豕突之虞乎以迨積穀備荒築堤捍患養老恤勞種種大政此皆守土之責不得等諸秦越人之肥瘠而膜外置之者也魁聞之矣致治之道在力行不在多言奉公之要貴實事不貴空文亦惟是精白自矢痲痺乃身思日孜孜以圖之庶克副上臺訓戒安民之至意以仰贊我國家興隆之治於萬一云爾

康熙十一年歲次壬子季冬吉日景州知州張一魁謹叙

景縣志

卷一

次修叙

十

三修敘

景郡卽古蓀地歲已未珂來牧茲土甫下車卽訪治問俗求所謂往規而因之得景志四冊迺前任張守所訂者因撫卷歎曰後之視今猶今之視昔微此編則往事散軼而後來者何所攷乎越歲庚申奉憲檄將康熙十一年以後事續編成書風塵下吏謬膺斯任惴惴滋懼爰進文學呂生輩取前志而纂續之因復親爲校訂付之殺青志成敬進例得有言弁端竊謂志者識也所以鑒古而垂後也自有郡以來宦斯土者夥矣爲民所尸祝者凡幾爲民所嫉怨者凡幾及碌碌無所短長者凡幾後之君子宜何居焉式董子之閭弔伯恭之墓心竊嚮慕之郡子弟能嗣前徽亦有司高山仰止之一助也而且重有感矣景界在燕齊間當水陸之衝軍興以來滅存差繁民亦勞止兼之頻年荒歉兩澤後時雖齋心步禱多方賑恤不至流離失所然元氣未復卽補苴目前奚益也堞隍脩歎水利興歎恐未信之民竊以爲厲矣習俗敦歟廉讓崇歟民生未厚未可遽言正德也凡此皆今日政治民生之大者非長吏之責而誰責哉恭逢皇上天威遐暢諸逆削平百姓有息肩之期憲臺攬轡伊始風清畿甸監司郡伯各上臺罔不仰體至意以撫綏元元爲勸誠此宇內大治之機非第景民之幸已爲下吏者若不恪恭從事而徒以虛文塗飾也則非誼之所敢出矣珂用自勗且願爲諸同人

景縣志

卷一

三修敘

十一

告焉

康熙十九年歲次庚申九月奉直大夫知景州事關中張鳴珂撰

景縣志

卷一

三修敘

十二

四修叙

古者列國皆有史掌國中書上達於王而天子有小史內史掌邦國四方之志周禮所載厥制甚詳其在今日積郡縣所上表之成一代全史此物此志也故雖區區一邑之書學士大夫每慎言之而惟吾景之志則修之更難亦修之蓋亟古來著作之林各有困源廬陵五代史卓狀諸史之上而論者謂其善學史記霖甫視吏即縮閩州志頗怪其罣漏無徵紛拏失次乃至廣川觀津之外譏龍頤章安呂望孫臏之附會未易更僕數乙丑春王始獲觀舊志雖紀載略為清晰而魯魚亥豕已莫可究詰矣闕蠶叢開鳥道知非大力者弗能勝也故曰難也從來文

景縣志

卷一

四修叙

十三

獻無徵空言無補宋元以上雖州乘缺略然史册班班有心者猶得按籍焉至如近代名賢或姓氏未藏於故府或著述未入於輶軒州乘所載已屬寥寥則他無問矣而無關於風俗名教之大者方且為之筆秃十瓿紙貴洛陽也在今日則為旁搜為別裁蓋相需孔亟矣夫置身局外以自文其陋與冒昧從事而不顧所安雖所托不同而失則均耳霖久抱斯願會江寧守張公華年暫蹶歸里頗亦陋其從前所輯相與造司空魏公之廬而請焉公曰此大夫事亦老夫事也顧老夫耄矣一知半解不敢自閱若分類纂編則問諸吾州之富於學而盛於年者於是詢謀僉同延進士趙君柸孝廉李君基塢明經劉君鵬振而咨

之始皆謝不敏霖固請李君避席曰昔范石湖作吳君志有求

載其事不獲者於其尋歿詆為偽書石湖且狀况其毀焉者乎霖曰謬膺長吏事關名教弗敢引嫌惟是疆里溝涂沿革之變土宜民情人文盛衰之殊諸君子幸廣諏博采以匡所不逮適吾鄉趙子貴樣公車道景霖為下徐孺之榻焉相與芟除餘莠斟酌義例甫脫稿去之燕臺霖懼兩月之功推敲未允爰以退食寸晷林膏較訂凡四易稿而書始成付之剞劂氏其發凡起例業備例左方而復曉曉商端者蓋霖反覆於志之始末而重於感也景於古為齊趙之交三代人文第弗深攷兩漢呂降醇儒若江都直節如咸陽雖殊俗異方仰瞻星斗矧生同大賢之

景縣志

卷一

四修叙

十四

居者乎詩有之高山仰止景行行止景之時義大矣霖願此邦人士體三桀之言以端學術繹五異之論以厚風俗相與嚮往先型以無負乎建邦錫名之意霖承乏茲土實嘉賴之若乃塔影河流侈陳景物亦志家之折楊皇荂也霖姑舍是乾隆十年七月朔日

賜進士出身知景州事傅野屈成霖叙

四修例言

習簿書不任風雅於志乎何有且其事州人之事也有舉莫廢待請而後報未晚然成霖為政多拙遲之今五年矣魯人有負版者吾師見而式焉竊以是為拙者之效

初志以來經三四輩其道宜因顧建置一條東漢為廣川縣疆里一條故國廣川王故縣觀津城池一條古弓高方物一條穀宜稻又封爵晉趙鞅宦蹟魏岑文瑜鄉獻周呂尚以下紕繆不可勝數至其分類標目往往一人而互見一行而異門他若河防水利闕焉不詳皆乖刺之尤者是編鑿龍門導積石故非猶述而不作已也使夫踵前人之業其不至於汨陳者幾希

景縣志

卷一

四修例言

十五

景自古為蓀縣元太宗八年始移東光之景州來治以蓀為附郭更領故城阜城東光吳橋四縣明太祖洪武七年省蓀入景去阜城而領縣二本朝因之載在國史則三縣之建置人物例宜並見自雍正年間景州與故吳東三縣體制私更以從寅好無復統轄之舊則州自為州不必顧彼而失此矣第建置關乎成憲沿革仍不可不詳至人物各負其地之所產故獨記本州而舊志所載三縣人物概從沙汰其諸史不言蓀者亦不具錄周禮職方氏掌天下之圖籍邦國都鄙瞭然可指諸掌圖未廢而按其疆域率紊何也身之者不必圖圖之者不必身茲圖之成故常合兩人為一人而又嚴尺寸以限之察銖黍以析之始

也不務工巧而務精能及其能之至則亦工巧之至矣

古人之已朽者面目未朽者精神史冊不備其精神亦彷彿無所屬耳太史公獨能出其精神與古人之精神遇每立一傳不啻其自為傳也且傳之之法又不欲人人而傳人人而傳傳者與傳之者之精神索然兩盡矣知此意者然後可與立言

士君子立身本末要當付之天下後世並時而生例不應書故雖德劭位隆僅著其官於年表不敢有乖體例妄贊一詞

君子之於人善善長而惡惡短士大夫或單辭片語相告隨事附見因類以從既已不沒其人之實矣未喻者若欲求多於是夫是非徒文之謂也當亦諒諸

景縣志

卷一

四修例言

十六

高士達以羣盜不書惡作亂也封津兄弟以宦者不書戒小人也春秋之義防微杜漸正名定分如斯而已有明季葉逆魏擅朝學士大夫不免於失足之悔然後大盜並起而國隨以顛履霜堅冰至可勿慎哉

風雅不廢各有淵源古人主持是道而別裁之法不以前輩宗匠稍存假借陸士衡云苟傷廉而愆義亦雖愛而必捐者是矣凡編纂有局有司有分校東觀羣儒其濫觴也不知古史皆出一家况郡邑叢爾者乎且如村舍之遠近南北之廣狹土地之肥磽民情之趨向士大夫之賢否利與害之因時而當有損益惟其平日嘗究心焉故條分縷析言之能詳而人不易欺不然

紙上談兵耳今志始於乾隆甲子嘉平月朔卒業於明年乙丑四月哉生黽閏時僅四月而不以簡率病者志之爲言心之所之也成霖之志先其心及乎心之所形而後成之爲志者則志又其迹之

人之情貴遠而賤近維桑與梓必恭敬止者謂何景之先達宦游在四方見聞滋廣頗亦陋其從前所纂輯然則以是編爲塗以余爲識塗之馬風塵下吏蹀躞不辭固也奚結習之足云

官署無他書可考於舊志外得河間郡志決擇頗精然大要以諸史爲斷徵事不核懼有乖籛載筆不文自慚學力至於訂疑析異博採兼收大司空魏公以通儒碩德誨益良多名進士趙

景縣志

卷一

四修例言

十七

君輩愛而相助互有參稽孔子不云乎魯無君子斯焉取斯幸已

景縣志目錄

民國二十年重修

新修姓氏

新修例言

輿圖

景縣全圖

縣城圖

縣政府圖

董子祠圖

周亞

卷一

輿地志

疆域

地勢

氣候

卷二

產業志

物產品類

農業狀況

工業狀況

附實業機關系統表

卷三

景縣志

卷一

目錄

1

政治志

行政

田賦

戶口

財政

卷四

政治志下

自治

建設

司法

卷五

教育志

科舉時代之教育

學校教育

民衆教育

附十九年度教育概況一覽表

卷六

風土志

民生

禮俗

宗教

方言

歌謠

卷七

人物志

行藝上鄉獻

孝友

義行

德壽

卷八



人物志 行藝中 仕績 文學 武功 技藝 流寓 方外

卷九

人物志 行藝下 節孝 貞烈 賢懿

卷十

人物志 選舉 薦辟表 科名表 畢業生 仕進

卷十一

人物志 職官 封爵表 官師表 政蹟

卷十二

藝文志上 著作 撰述 奏議 頌贊 訓誡 論辨 對問 書文 傳序

卷十三

藝文志下 撰述 題跋 碑誌 雜記 詩賦

卷十四

故實志 史事 古蹟 古物 軼事

景縣志

卷一

目錄

2

歷修姓氏

原修 明隆慶壬申

監修

羅 許 景州知州

編纂 姓氏失考

次修 清康熙十一年

監修

張一魏 景州知州

編輯

呂克諧

景縣志

卷一

歷修姓氏

2

吳長策

馬萬里

申鍾稽

宋 錦

李國祐

書寫

張世則

聶 經

三修 清康熙十九年

監修

張鳴珂

編纂 姓氏失考

四修 清乾隆十年

纂修

屈成霖 景州知州江蘇常熟縣進士

協脩

趙 移 乾隆壬戌進士邑人

李基 高康熙甲午舉人邑人

劉鵬振 雍正乙卯副榜邑人

民國十六年重修 採訪期滿尙未纂訂以王縣長功鎮調任遂停止

景縣志 卷一

歷修姓氏

監脩

王功鎮 景縣縣長山東歷城縣人

主任

張惠棠 清候補縣丞邑人

副主任

史書雲 清廩生邑人

採訪員

高 峯 清廩生邑人

張蔭禧 警務學堂畢業前充奉天省巡官及屯墾局委員邑人

王振瀛 清廩生邑人

陳錫孝 清廩貢前勸業所長邑人

路鳴珂 清廩生邑人

曹福慶 清廩生邑人

載金錫 清廩生直隸師範畢業邑人

張壽岑 清廩生邑人

王沂清 直隸師範畢業邑人

劉世珍 清廩生一人

民國二十年重修

委員長兼監修

耿兆棟 景縣縣長唐縣人

景縣志 卷一

歷修姓氏

董大年 景縣縣長浙江富陽縣人二十一年九月到任

委員會委員

劉鉅泚 公安局長青縣人

張英掄 教育局長邑人

吳梅亭 財務局長邑人

高祖武 建設局長邑人

馬春棠 鄉村師範校長邑人

梁晉樸 鄉村師範校長邑人

趙翰章 城內高級小學校長邑人

馬慶芬 城內高級小學校長邑人

魏樹勳 城內女子完全小學校長邑人

車金環 氏家教育館長邑人

王廷棟 救濟院長邑人

馬瑞宣 救濟院副院長邑人

曹德二 前縣參事會參事邑人

喬泮池 第一區區長邑人

趙象坤 第二區區長邑人

趙海章 第三區區長邑人

馬景望 第四區區長邑人

于學孔 第五區區長邑人

景縣志 卷一 歷修姓氏

高鈞 清都司署理熱河入滿參將邑人

萬其誼 清光緒丁酉拔貢民國陸軍中將邑人

王克讓 北京高等師範畢業邑人

陳汝達 前饒陽縣警察所長邑人

總纂

張汝漪 清光緒辛卯科舉人湖北松滋縣知縣邑人

纂訂

王郁文 保定優級師範畢業歷充中校教員邑人

劉興漢 前第三小校長署理四川渠縣知事邑人

劉聖平 前第一高小校長登縣參事會參事邑人

閻慶棠 清廩生前教育局長邑人

張堃 清廩生候選縣丞前饒輔中校教員邑人

曹福慶 清廩生前縣議事會議員邑人

路鳴珂 清廩生邑人

陳錫孝 清廩貢前勸業所長邑人

繪圖

喬泮池 第一區區長邑人

繕校

劉之楨 治縣第二中校畢業縣黨部執行委員邑人

王柄鐸 治縣第二中校畢業邑人

景縣志 卷一 歷修姓氏

張宗岱 城內高等小校畢業邑人

王玉珂 檢林高等小校畢業邑人

曹景仁 天津老西開中校肄業邑人

蘇方墀 前直隸提學使署書記邑人

陳益壬 直隸省立農林講習所畢業邑人

劉文之 鄉村師範畢業邑人

採訪

各鄉長副

各學校校長

各學校教員

新修例言

一志卽史也舊志有目而無綱未免無所統紀今者分門別類列爲八門每門附以節目庶覺提綱挈領有條不紊

一舊志疆域圖內只有四至鄉屯並無面積亦無里數今則按里計方並於鄰境交界處繫明插花地若干似此繪圖較爲詳盡

一人物爲鄉邦重望載之志乘上備國史採擇下昭閭閻懲勸已往之文武事蹟忠義孝弟無不依類編入此是論定於身後也至於現在之人材仕進只能載其技藝列其官階至於行之臧否不能妄贊一詞康對山武功志云傳不

景縣志

卷一

新修例言

及於存者援先例也

一人物列傳總記其人之生平事跡所謂蓋棺論定是也倘對地方公益如捐款興學勦匪除害有顯著事實者其人雖存亦得附載列傳之後不沒其功以備後來者作傳

一舊志自清乾隆迄今將二百年其間之任歷官師姓氏籍貫多難稽考茲僅就遺愛在人者另爲別傳其餘僅於近年者知其姓氏至年遠無徵只得概付缺如

一節孝之事以守節至三十年又有孝義事實可徵者方能載入但其年未滿六旬而身故守節已達三十年者亦可登載

一現代職官行政以縣長起司法以承審官暨管獄員起軍職以少校起警職以公安局長起教職以教育局長排暨省立中校師範各校長起其他各職之局長亦附列於後惟必須有委任狀者方爲確實登載

一舊日多重神權故廟宇壇壝專列一門今者破除迷信凡不在祀典之廟以及壇壝墳墓碑坊皆爲陳跡故列爲故實一門以作存古

一舊日專制時代凡官府辦事規則人民每難考問現在專重民權欲使人民皆有政治知識所以行政之組織與司法之規程不惜詳爲記載以便民衆參考

景縣志

卷一

新修例言

一舊時於人民生活不知注意今者講求民生凡民間衣食住與行路交通皆與人民之生活有所關係故分條記不厭求詳

一舊時於風俗物產不甚注意今者民智日開禮俗風尚力求革新種植生產日漸發達所以於風土產業皆專列一門不惜詳爲登載以廣進化改良之意

一舊志無方言歌謠今者省志局來縣採取志料內列有此二目是爲一縣風土所表現也因亦採其大略列入風土門內


一舊志失脩近二百年其間人物之盛衰事蹟之變遷不知

凡幾特以載筆者聞知有限搜羅未盡遺漏必多只有俟
後有續者再為編入

景縣志 卷一

新修例言

10




漢 條 侯 周 亞 夫 墓



墓 在 城 西 三 里

開 福 寺 古 塔



寺 在 縣 城 內 西 北 隅